



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Conciliorvm Omnivm Generalivm Et Provincialivm Collectio Regia

Ab anno CCCCLI. ad annum CCCCLXXV.

**Parisiis, 1644**

XXXIV. Epistola Episcoporum Syriae Secvndæ, Ad Leonem Imperatorem.  
Religiosissimo atque piissimo & Christianissimo Augusto, & honorato  
competenter a Deo imperatori Leoni, Epiphanius, Eusebius, Elias, ...

**urn:nbn:de:hbz:466:1-14887**

ARNO CHRISTI 451.  
 aduersa resolvere : ostendentis simul ad clementiam & malignitatis abiectionem, per qua in vobis imitatio diuina formatur, ad vtilitatem subiectorum cuncta disponens, & veram mansuetudinem & pacem tribuens vniuersis, qua vestra pietati repensationem bonorum per ea qua geritis, pollicetur.

Basilii episcopus opto incolumem vestram pietatem multis annorum curriculum conseruari Dei ecclesiis & Romano imperio, religiosissime & piissime, & Christo amabilis imperator.

Maximus episcopus Laodiceae, similiter.

Theoctistus episcopus Berrhoeae, similiter.

Gerontius episcopus Seleucia, similiter.

Flauianus episcopus Gabalae, similiter.

Domnus episcopus Chalcidis, similiter.

Cyrus episcopus Onosarthae, similiter.

Petrus episcopus Gabbi, similiter.

Sabbas episcopus Palti, similiter.

XXXIV.

EPISTOLA

EPISCOPORVM SYRIÆ SECUNDÆ,

AD LEONEM IMPERATOREM.

*Religiosissimo atque piissimo & Christianissimo Augusto, & honorato competenter a Deo imperatori Leoni, Epiphanius, Eusebius, Elias, Diogenes, Maximus, Paulus & Magnus, episcopi secundae Syriae.*

**O**STENDIT, piissime principum, Dominus omnium Christus amorem circa sanctas ecclesias suas eximium, & ad terminum etiam nunc adduxit promissionem, qua in sanctis euangeliis Petro dictum est: *Tu es Petrus, & super hanc petram aedificabo ecclesiam meam, & portae inferni non praeualebunt aduersus eam*: quando vestram tranquillitatem pii imperii augusta veste circumdedit: & mirabile non est. Nam cum Deus sit, & sine mendacio verba protulit, & firmas suas promissiones semper ostendit. Vnde vos largitorem potestatis optime cognoscentes, ea qua gloriam eius declarare nouerunt, haec statuere laboratis, confidentes quoniam ex hoc vestrae gloriae culmen augebitur, dum eum qui glorificauit, glorificare denuo festinatis. Quapropter nos beneficiorum vestrorum culmen

experti, pro pietate vestra diuinitati incessabilibus orationibus supplicamus, vt suo decreto terrarum orbi gubernatorem donatum longo tempore conseruare dignetur ad exaltationem sanctarum ecclesiarum, & æternam constantiam rerum. Confidimus autem, quoniam nostras suscipiet preces, videns nos pro sua gloria cogitantes, & propterea orationes pro vestro facientes imperio. Igitur dignatum est vestri culmen imperii piis syllabis indicare, vt affectum quem circa fidem habemus, aperiamus. Complentes ergo quod scriptum est, sine aliqua dilatione vestræ sanctioni velociter obedimus. Ait enim:

i. Petr. 3.

*Parati semper ad satisfactionem omni petenti vos rationem de spe quæ in vobis est.* Et si unicuique, piissime principum, iubet sermo diuinus de pietate proferre cum præparatione responsum, quanto magis nobis, qui propter communem vtilitatem hoc facere festinamus? Significamus ergo quam sententiam habemus circa venerabilem confessionem, & quæ Concilia vera decernimus, quæ hanc fidem firmam esse per sanctas scripturas asseruerunt. Est itaque prima quidem Synodus post apostolicam foundationem velut crepido quædam immobilis trecentorum decem & octo patrum, quæ in Nicæa sub diuæ memoriæ Constantino collecta est, & Arii vesaniam publicauit, & consubstantialitatis scientiam cunctis aperuit. Post illam vero centum quinquaginta patrum, quæ in regia Constantinopoli congregata est, quæ Deum sanctum Spiritum declarauit aperta confessione: & his duabus consentire ea quæ in Epheso sunt prius gesta, didicimus. Post quas sanctas & vniuersales Synodos, & eam quæ Calchedone celebrata est, & cum summa integritate tradi per omnia festinauit, tamquam voluntatem Dei dicimus & congregatam pariter & firmatam. Rectam enim & immaculatam asseruit fidem, nihil vltius dici aut sanciri consentiens, quam ea quæ posita sunt in venerabili symbolo trecentorum decem & octo patrum. Hæc autem & dudum scripsimus vestræ potentia, cum subscriptionibus subditis reuerendissimorum episcoporum prouinciæ destinantes. Quia vero & de Timotheo qui Alexandrinorum ecclesiam quadam fluctuatione commouit, nos significare sanxistis, sacratissimas regulas sequentes, & his edocti per Dei gratiam,

ANNO  
 CHRISTI  
 451.

tiam, ecclesiastico tramite nostrum peragere tempus, auctorem homicidii & adulterii hunc talem operarium esse decernimus, legentes ea quæ precibus sanctissimorum episcoporum vestram maiestatem aduentium, continentur. Ex quibus etiam nos extincti super eum decretum tale protulimus, cum & efficacem & penetrantem super omnem gladium bis acutum proponentes Dei sermonem: & licet neque ab initio possederit, (nam quomodo habere potuit, qui secundum quod scriptum est, non accipit?) tamen alienum eum a cuncta dicimus sacerdotii dignitate. Vestra igitur pietatis est, sanctissimum etiam in hoc agere zelum, & illa sancire, quæ legibus & sacris Canonibus, & cunctis Dei ecclesiis pacem conferre videantur. Incolumentem pietatem vestram multis annorum curriculum conferuari Dei ecclesiis & Romano principatui deprecamur, religiosissime & Christo amabilis imperator.

Epiphanius episcopus Epiphaniæ.  
 Eusebius episcopus Arethusæ, similiter.  
 Elias episcopus Seleuciæ, similiter.  
 Diogenes episcopus Larissæ, similiter.  
 Magnus episcopus Mariamnæ Euphratesiæ, similiter.

XXXV.

EPISTOLA

EPISCOPORVM PROVINCIÆ

OSROENÆ AD LEONEM IMPERATOREM.

*Deo amantissimo & piissimo atque Christianissimo Augusto, digne a Deo coronato imperatori Leoni, Nonnus, Damianus, Ioannes, Abrahamius, Ioannes, Petronius, Elias, Basilius, episcopi Osroenæ prouinciæ.*

**N**ON est mirabile, o victor atque Christianissime principum, vt qui desuper sceptrorum potentiam sumpsit, cum consilio Dei qui hæc præbuit, cuncta faciat, atque immobilia sacerdotii iura custodiat, nihilque patitur propter multam mansuetudinem rerum sibi competentium præter eius decernere voluntatem. Et hoc maximum est inter alia nimis indicium, quod designant etiam literæ vestræ, quas nuper nobis dirigere tranquillitas vestra dignata est, per quas ea quæ crudeliter sunt præsumpta contra sanctas regulas a Timotheo, qui tyrannice fe-

Concil. Tom. 9.

Q9